

Mattup ki Ziid

Ej urzi k'ono ɗoŋ kun t'oone adda mattup ettiyo

Ette mattup ere Ziid leema k'Isa yi riije. An Zak ti Ziid geŋ, Isa'ŋ leemadaŋ goole. Mattup ette tod' ti deeyiso mattup ere ki sirwe Piyer yi riije.

Ziid yi riije mattup ette a kane ɗoŋ Raa yi biire a yode. Y'an di ruute an koona mentikagi ti ɗoŋ dooyisadaŋ a ki t'ettiyo a urzi Rabila Majjaanawa ye geŋ me. Lekkiyadaŋ gette i-kaza kane a Isa Almasi ye, kono lekkiyadaŋ beehiye ye. Wo y'a ruute soŋ mundaŋa wede Raa y'an isa a kane ɗoŋ lekkiyadaŋ beehiye ye.

Toose ki Ziid

¹ Mattup ette i raajiya nuŋ Ziid, wede naabo k'Isa Almasi wo leema Zak, a kane ɗoŋ Meega Raa yi'ni giyye. Kane y'a ti'n wiike wo yi di'n boohiyo t'urzi k'Isa Almasi.

² Geŋ isiyo k'adde koɗuwo, toose, ti geyyiso ki Raa i koona egguŋ daa doozyo.

Doŋ eliyi dooyiso ere oldo

³ Zamba ki nuŋ kune ɗoŋ ki geyyiso, nuŋ n'a dihe t'addó pay n'un di raaje mattup a urzi k'uttiyo wede ki kine pay. Wo ɗe ni wulle maŋ, a n'ele ankeŋ ni dehu n'un di raaje kono un t'eley kooke kun di ɗeyya a urzi zaapu k'adde a Isa, yo urzi geŋ Raa yi y'elo a ɗoŋzi kaŋ soo ɗaŋŋal tak. ⁴ Nuŋ n'un raajiya kono ɗoŋ ulpi ongo geŋ an t'iide diinaguŋ wo kune kun ki suune ye. Kane geŋ urzi beeko Raa an ti y' kama dergilagi kono an t'okkima urzi lekkiyadaŋ wede a urzi boliyo geŋŋo, wo an di koogire Isa

Almasi, Galmeega wede dooyisadiŋ yonj soo ɗaŋŋal. Aa an riinje ti kaaga adda mattup ki Raa, kane geŋ booro Raa t'anni seeda.

⁵ Derec, kane sulɗi geŋ kun'ni suune pay baa, wo toŋ n'un ti'n rooto sey kun a d'elke mummino Galmeega Raa y'an utte y'an uɗɗo ɗoŋ k'izirayel ti siido Misir me, wo saŋ maŋ y'an d'ize a kane ɗoŋ i-tuuge zaapu k'addaŋ a yode, an t'inda*. ⁶ Kun elko a maaleekiyagi ɗoŋ urzi dokkiyo wede Raa y'an ele geŋ an gi di buuhe ye, ume lekkiyadaŋ an d'iili. Kane geŋ Raa yi'ni boohiyo kettiso ti zinjiri ki daayum adda zimolo, bini onniyo meeda ere Raa y'a ɗekka booro. ⁷ Kun elko a geeger Sodom ti Gomor wo ti geegiryagi ɗoŋ gopponj ti kane†. Kane ɗoŋzaŋ toŋ maŋ sooruzan t'a guune oldo aa maaleekiyagi geŋno, an d'iili tuddaŋ k'isiyo boliyo wo kuuli toŋ an di moonite ti kuuli eebaŋ. Wo ankenno an uune daŋgay adda k'uwwo ere t'oggiyo ki daayum, daŋgay ere Raa y'an ele a kane gette, tookiyo kuude a ɗuwo pay.

⁸ Geŋ injkino kay, kane ɗoŋ eliyo dooyiso ere oldo gette, sooruzan tinj aa kane ɗoŋ geegiryagi geŋno. Kane an ti t'isiyo tuddaŋ ganigi ti boliyo ere an ettiyo t'urzi suniye, injkino maŋ an di koogire Raa wede t'ekki sulɗi pay, wo an di kalɗita maaleekiyagi ɗoŋ toogo a kandaane. ⁹ Wo goole maaleekiyagi Mikayel toŋ, aame an niikiyto wo an a-t'irba ti Meeda siitandani a tukki nuune Muusa geŋ, y'a-ziiɗa tuddi, yi ki dihe y'a ki ɗekke booro a tukki tode t'urzi kalɗita ye, injkino yi di ruute, y'ede: «Galmeega Raa yi elo daŋgay‡.» ¹⁰ Wo ɗe kane ɗuwo geŋ, munda

* 1:5 1.5 Kun wollo adda mattup ki Nombire 14.29-30. † 1:7 1.7 Taaya gette k'a ti t'oone adda mattup ki Zenez 19.1-25. ‡ 1:9 1.9 Kun wollo adda mattup ki Deeterenom 34.6, i-kaza ottibe ki Muusa ɗaŋŋal. Ume niikiyto ti ume an irba geŋ, mongidagi Yawudiyagi an iide taaya ti bizaŋ ɗaŋŋal.

wede an ki y' suune ye toŋ an di kaldita. Wo munda wede kane an suune a urzi tudde geŋ, an t'isiyo aa seydi balda elkisadaŋ umbo, suldi geŋ an d'an t'ettiyo k'ume daggiya. ¹¹ Dabar a kane, kono an diine urzi Kayeŋ. An giyye soŋko baadaŋ geŋ an ti t'ele tuddaŋ a urzi daggiya aa ki Baalam, wo an t'inda kono an ti tuuge a Raa aa ki Kore[§]. ¹² Derec, kane geŋ ettiyadaŋ ere k'adda diine zamba doŋ i ziipe addaŋ a Isa an ti guune ombo geŋ, a duwo sukiyagi. A ume geŋ kane an d'ombo wo an di sobo baadaŋ daa sukiyagi, an lomme addisadaŋ. Kane geŋ aa dondari doŋ maaye y'ambu i ki koppiyo mizzi ye. Kane geŋ aakede inda doŋ i k'ehiyo ye, ume k'ehiyadaŋ i tōwo toŋ maŋ, an di dekkita ti sondayzaŋ pay, iŋkino untadaŋ t'a doola taŋ sire. ¹³ Kane geŋ aa ooye y'ūune i-kolzite baadaŋ. Iŋkino maŋ suldi doŋ ki sukiyagi an isiyo geŋ, kane aa goopiyo k'ooye i-paldita a daanadaŋ. Kane aa moldali doŋ i sewiyso a kandaane, wo kane geŋ umayaŋ Raa y'an ti y' buuhe ki daayum a ume zimolo dil.

¹⁴ Yode Enok mugiye wede ki sarat iise ti Adum geŋ, a tukki kane toŋ yi ruute ti kaaga ono doŋ Raa y'igibo, y'ede: «Kun ollo, Galmeega Raa y'a etto ti maaleekiyagi kamileŋ suma dupiyagi baadaŋ, ¹⁵ kono y'a dekkka booro a tukki duwo pay. Kane doŋ k'oldfiko pay geŋ, booro t'an di'n seeda kono a suldi doŋ ulpi pay an ize kono an ti tuuge a Raa, wo a ono doŋ pay ulpi an ruutite a tukki yode daa k'ottilso.» ¹⁶ Kane duwo geŋ daayum ulbaŋ unse ye, an di mōolo a urzi lekkiyadaŋ, wo an daaniya ita suldi doŋ ulpi tuddaŋ ti dehu. Ti bizaŋ i d'adfiya ono doŋ ki tamma tudde wo kane an di tamma duwo kono an d'oomi bizaŋ.

§ 1:11 1.11 Taaya ki Kayeŋ k'a ti t'oone adda mattup ki Zenez 4.3-8. Taaya ki Baalam k'a ti t'oone adda mattup ki Nombire 22.1-35. Taaya ki Kore k'a ti t'oone adda mattup ki Nombire 16.1-35.

Kooke a ɗoŋ i ziipe addaŋ a Isa

¹⁷ Wo ɗe zembɓa ki nuŋ kune ɗoŋ ki geyyiso, kun a elko a ono ɗoŋ ɗoŋ zina ki Galmeegiŋ Isa Almasi an ruute ti kaaga. ¹⁸ Kane an un ruute, an'de: «A onniytagi ɗoŋ ettiyo k'ita geŋ, i d'adɗa ɗuwo an un di'n t'okka maade wo an daana ita sulɗi ɗoŋ ulpi tuddaŋ ti dehu.» ¹⁹ Kane genno i t'eliyo ɗoŋ i ziipe addaŋ a Isa an t'âhuntu tuddaŋ me, elkisadaŋ ki tudde ɗaŋŋal wo i ki'n dokkiyo Unde Raa ye. ²⁰ Wo ɗe zembɓa ki nuŋ kune ɗoŋ ki geyyiso, kun iso t'urzi tuuku toŋ lekkiyagun t'a koone daayum a sulɗi ɗoŋ ɗerec ki Raa kun zaapu addugun eego. Kun tondo Raa ti toogo k'Unde Kamilen. ²¹ Kun lekko daayum a geyyiso ere ki Raa, kun di dello onniyo ere Galmeegiŋ Isa Almasi y'un d'isa adde koɗuwo wo y'un t'ela lekkiyo ere ki daayum gette.

²² Kun wollo sommagi ki ɗoŋ an d'ede niiku a urzi zaapu k'addaŋ a Isa, ²³ ɗoŋ oŋgo ette k'adda k'uwwo geŋ kun ti'n kami kun'n utto. Wo a ɗoŋ oŋgoŋ kun an d'iso adde koɗuwo kay, wo ɗe ti metiŋko: Kun ti leɗɗo ti tuddaŋ, ise kallagaŋ toŋ kun a botta ye, para maŋ un di'n seɗɗa, kono kane ganigi t'urzi sulɗi ɗoŋ ulpi an isiyo.

Tamma a Raa

²⁴⁻²⁵ In amma Raa soo ɗaŋŋal, yoŋ y'in di'n uttiyo t'urzi Galmeegiŋ Isa Almasi. Yoŋ i-d'ede toogo y'un t'eegire kun ki t'oore adda k'oldfiko ye, wo y'aane y'un di'n t'ette ki ɗaanadi k'adda daryikadi daa zaapu k'ono eggun, wo ɗoniyo t'uŋsuwo. Geŋ moziko, gooliko, toogo, wo urzi dokkiyo, kane pay geŋ ki yode ki poone duniya t'a t'eesa ɗotto too, bini aŋki, wo ki daayum! Eyye.

Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23